


Հաստատված է  
Խաչատուր Աբովյանի անվան հայկական պետական  
մանկավարժական համալսարանի գիտական խորհրդի  
2015 թվականի մարտի 31-ի նիստում  
Գիտական խորհրդի նախագահ



*Ռեկտոր Ռուբեն Միրզախանյան*  
Ռեկտոր Ռուբեն Միրզախանյան

## ԸՆԹԱՅԱԿԱՐԳ

### ՀՊՄՀ ՊՐՈՖԵՍՈՐԱԴԱՍԱԽՈՍԱԿԱՆ ԱՆՁՆԱԿԱԶՄԻ ԻՆՔՆԱԳՆԱԿԱՏՄԱՆ ԵՎ ՓՈՐՁԱԳԻՏԱԿԱՆ ԳՆԱԿԱՏՄԱՆ

#### 1. ԸՆԴՀԱՆՈՒՐ ԴՐՈՒՅԹՆԵՐ

- 1.1 Սույն ընթացակարգով սահմանվում են ՀՊՄՀ-ում պրոֆեսորադասախոսական կազմի ինքնագնահատման և ուսանողների կողմից փորձագիտական գնահատման հետ կապված հարաբերությունները:
- 1.2 Ընթացակարգը հաստատում, գնահատում և դրա մեջ փոփոխություններ ու լրացումներ կատարում է ՀՊՄՀ գիտական խորհուրդը:
- 1.3 Ընթացակարգի ներդրումը նպատակ ունի զարգացնելու ուսանողների կողմից դասախոսներին տրվող հետադարձ կապի և համապատասխանաբար, կրթական ծառայությունների որակը պրոֆեսորադասախոսական կազմի ինքնագնահատման և փորձագիտական գնահատման գործընթացների կանոնակարգման միջոցով:
- 1.4 **Հիմնական հասկացությունները՝** պրոֆեսորադասախոսական կազմ, ինքնագնահատում, փորձագիտական գնահատում, հետադարձ կապ, գործունեության արդյունավետության չափանիշներ:
- 1.5 Պրոֆեսորադասախոսական անձնակազմի ինքնագնահատումը որակի ապահովման կարևոր կառուցակարգ է, որն իրականացվում է այդ նպատակով

մշակված գործիքակազմով և համալսարանի ռեկտորի կողմից հաստատված ժամանակացույցով: Ինքնագնահատման նպատակը մասնագետների կողմից սեփական գործունեության վերլուծությունն է, դրա ուժեղ կողմերի բացահայտման, և գործունեության շարունակական բարելավման նպատակով:

1.6 Պրոֆեսորադասախոսական անձնակազմի փորձագիտական գնահատումը որակի ապահովման կարևոր կառուցակարգ է, որն իրականացվում է այդ նպատակով մշակված գործիքակազմով և համալսարանի ռեկտորի կողմից հաստատված ժամանակացույցով:

## **2. ՊՐՈՖԵՍՈՐԱԴԱՍԱԽՈՍԱԿԱՆ ԿԱԶՄԻ ԻՆՔՆԱԳՆԱՀԱՏՄԱՆ ԵՎ ՓՈՐՁԱԳԻՏԱԿԱՆ ԳՆԱՀԱՏՄԱՆ ԳՈՐԾՆԹԱՑԻ ՍԿԶԲՈՒՆՔՆԵՐԸ**

2.1. Ինքնագնահատման և փորձագիտական գնահատման գործընթացի **սկզբունքներն են՝** համակարգային մոտեցումը, փորձագետների անկախությունն ու ընտրության հիմնավորվածությունը, գնահատման և ինքնագնահատման գործիքակազմի համապատասխանությունը, .

2.2. Ինքնագնահատման և փորձագիտական գնահատման բոլոր սկզբունքները ենթակա են նախնական և ամփոփիչ գնահատման, որի կարգը սահմանվում է համալսարանի որակի ապահովման կառույցի կողմից:

2.2.1. **Համակարգային մոտեցումը**, որն արտահայտվում է գնահատման գործընթացի բոլոր բաղադրիչներում՝ մեթոդների ընտրություն, փորձագիտական կազմի հավաքագրում, ինքնագնահատում փորձագիտական գնահատում և այլն, սկզբունքների և նպատակների միասնականության, փոխլրացնող մոտեցումների առկայությամբ:

2.2.2. **Փորձագետների անկախությունը և ընտրության հիմնավորվածությունը**, որն արտահայտվում է փորձագետների՝ գնահատվող անձանց հետ բարեկամական կամ թշնամական փորձագիտական և վերլուծական խմբի բարձր իրազեկվածությունը գնահատման ենթակա խնդիրների ոլորտում:

**2.2.3. Գնահատման գործիքակազմի համապատասխանությունը գնահատման նպատակին ու խնդիրներին:** Ինքնագնահատման և գնահատման գործիքակազմը պետք է պիտանի լինի գնահատման համար: Պիտանիությունը, հավաստիությունը և հուսալիությունը ենթակա են գնահատման համապատասխան ոլորտի առնվազն երեք անկախ փորձագետների կողմից, որոնք պետք է ներկայացնեն եզրակացություններ գործիքակազմի հավաստիության և կիրառման նպատակահարմարության վերաբերյալ:

**2.2.4. Գնահատման ընթացակարգի թափանցիկությունը և հասանելիությունը գնահատողներին ու փորձագետներին:** Այս սկզբունքն արտահայտվում է որակի ապահովման բաժնի կողմից բոլոր շահառուներին պատշաճ կարգով նախապես գնահատման գործընթացի մասին տեղեկատվության մատուցման և դրա արդյունավետության մասին հետադարձ կապի տեսքով կարծիքների հավաքագրման և վերլուծության կառուցակարգերի առկայությամբ:

### **3. ՊՐՈՑԵՍՈՐԱԴԱՍԱԽՈՍԱԿԱՆ ԿԱԶՄԻ ԻՆՔՆԱԳՆԱՀԱՏՄԱՆ ԵՎ ՓՈՐՁԱԳԻՏԱԿԱՆ ԳՆԱՀԱՏՄԱՆ ՊԱՅՄԱՆՆԵՐԸ.**

**3.1. Ինքնագնահատման և փորձագիտական գնահատման հավաստիության և հուսալիության բարձրացման նպատակով անհրաժեշտ է ապահովել հետևյալ պայմանների առկայությունը.**

3.1.1. Ինքնագնահատումն ու փորձագիտական գնահատումն իրականացվում է նույն չափանիշների հիման վրա, ինչը հնարավորություն է տալիս դասավանդողներին ավելի լավ հասկանալ գնահատման պահանջները և ընտրել մասնագիտական ինքնազարգացման համարժեք ուղիներ:

3.1.2. Ինքնագնահատումը հնարավորություն է տալիս կառուցել գնահատման գործընթացի սխեման, նրա մասնագիտական զարգացման մեթոդական առաջարկների մշակման, ինչպես նաև ռեֆլեքսիվ կարողությունների ուսումնասիրության համար;

3.1.3. Փորձագետները պետք է հատուկ պատրաստություն անցնեն և ծանոթ լինեն փորձագիտական գնահատման միջոցներին ու չափանիշներին, ինչպես նաև նախապես հնարավորություն ունենան մանրամասն ուսումնասիրել դասավանդողների ինքնագնահատման արդյունքները:

3.1.4. Փորձագիտական գնահատումն իրականացվում է առնվազն 2 անկախ փորձագետների կողմից:

3.1.5. Փորձագետների գնահատականների էական անհապատասխանության դեպքում պետք է կազմակերպել լրացուցիչ քննարկումներ ընդհանուր համաձայնության հասնելու նպատակով:

3.1.6. Փորձագետները անհրաժեշտության դեպքում կարող են կիրառել լրացուցիչ գնահատման գործիքակազմ, որի կիրառման ընթացակարգը, ինչպես և մեթոդները պետք է համապատասխանեն գնահատման սկզբունքներին ու չափանիշներին:

3.1.7. Գնահատման համակարգի հարմարեցման, հուսալիության և հասանելիության ապահովման համար ֆակուլտետի անդամները կարող են մասնակցել դրա մշակման և լրամշակման, ինչպես նաև գործունեության արդյունավետության չափանիշների ընտրության գործընթացներում:

3.1.8. Փորձագետները պատասխանատու են իրենց գնահատման մեթոդների մշակման և չափանիշների ընտրության համար, քանի որ տարբեր գիտակարգեր պահանջում են տարբեր մոտեցումներ, մեթոդներ և հրահանգավորման պայմաններ:

3.1.9. Գնահատման գործիքակազմի և գործունեության արդյունավետության չափանիշների համալսարանական համատեղելիության ապահովման համար չափորոշիչները պետք է քննարկվեն, դիտարկվեն, հասկանալի և հասանելի լինեն այդ գործընթացում ներգրավված բոլոր կողմերի համար:

**4. ՊՐՈՖԵՍՈՐԱԴԱՍԱԽՈՍԱԿԱՆ ԿԱԶՄԻ ԻՆՔՆԱԳՆԱՀԱՏՄԱՆ ԵՎ  
ՈՒՍԱՆՈՂՆԵՐԻ ԿՈՂՄԻՑ ՓՈՐՁԱԳԻՏԱԿԱՆ ԳՆԱՀԱՏՄԱՆ  
ՉԱՓԱՆԻՇՆԵՐԸ**

4.1. Սույն ընթացակարգով սահմանվող և որակի ապահովման մյուս չափանիշների, ուսումնական տարբեր ռեսուրսներին ներկայացվող պահանջների միասնականության ապահովման նպատակով անհրաժեշտ է իրականացնել դրանց շարունակական համեմատություն և համապատասխան վերլուծություններ

4.2. Պրոֆեսորադասախոսական կազմի ինքնագնահատման և փորձագիտական գնահատման չափանիշները մշակվել են **ուսումնական ռեսուրսների արդյունավետության գնահատման հետևյալ չափանիշների հիման վրա.**

4.2.1. Մասնագիտական կրթական ծրագրին համապատասխանությունը,

4.2.2. Գիտական հիմնավորվածությունը և դասընթացի ժամանակակից գիտելիքներին համապատասխանությունը,

4.2.3. Համապատասխանությունը միասնական մեթոդիկային, /պարզից բարդ, նյութերի մատուցման հաջորդականության ապահովում և այլն/,

4.2.4. Փաստացի սխալների, անբարո, էթիկային նորմերին չհապատասխանող բովանդակության բացակայություն,

4.2.5. Տեխնոլոգիական որակների /տպագրության որակ և այլն/ արդյունավետությունը /համապատասխանություն որակի տեխնիկական չափորոշիչներին/

4.2.6. Ուսուցման /դասավանդման և ուսումնառության/ ամբողջականության և Կրթական գործընթացի բոլոր բաղադրիչների ապահովում՝ տեղեկատվության ստացում, գործնական պարապմունքներ, ատեստավորում, բոլոր պայմանների՝ լաբորատոր, նոր նյութի յուրացում, կոլեկտիվ ուսուցում և այլն /Օր.՝ գիրքը հաճախ ապահովում է միայն տեղեկատվության ստացումը/

4.2.7. Ինտերակտիվ բնույթը, որն ապահովում է ինքնուրույն աշխատանքների սպեկտրի ընդլայնումը ուսումնառության ակտիվ միջոցների

կիրառմամբ /հնարավոր է իրականացնել տնային աշխատանքների համեմատության շնորհիվ, որտեղ ինտերակտիվ կարող է գնահատվել գործնական առաջադրանքների առկայությունը, զուտ պասիվ հայեցողական բնույթի հանձնարարությունների փոխարեն/,

4.2.8. Նոր կրթական, մանկավարժական գործիքակազմի կիրառում ինտերակտիվ ուսուցում, մոդելավորում, մուլտիմեդիա, հեռահաղորդակցում, արտադրություն և այլն:

## **5. ՀՊՄՀ ՊՐՈՖԵՍՈՐԱԴԱՍԱԽՈՍԱԿԱՆ ԿԱԶՄԻ ԻՆՔՆԱԳՆԱՀԱՏՄԱՆ ԵՎ ՓՈՐՁԱԳԻՏԱԿԱՆ ԳՆԱՀԱՏՄԱՆ ԳՈՐԾԸՆԹԱՑԸ և ԳՈՐԾԻՔԱԿԱԶՄԸ**

5.1. Ինքնագնահատման և փորձագիտական գնահատման գործընթացն իրականացվում է որակի ամբողջական կառավարման սկզբունքներով:

5.2. Ինքնագնահատման և փորձագիտական գնահատման փուլերը:

5.2.1. **1-ին փուլ- նախապատրաստում:** 1 – ին փուլում նախապատրաստվում են ինքնագնահատման և փորձագիտական գնահատման գործիքակազմը, հավաքագրվում են նախնական տվյալներ և տեղեկություններ գնահատման ենթակա չափանիշների մասին, ստացվում են համապատասխան հայտեր ֆակուլտետներից գնահատվողների վերաբերյալ, ճշգրտվում են գործընթացի ժամկետները, նախապատրաստվում են բոլոր անհրաժեշտ նորմատիվ - իրավական փաստաթղթերը /հրամաններ, պայմանագրեր, համաձայնագրեր, և այլն/, տրամադրվում են ինքնագնահատման ձևաչափերը, ընտրվում են փորձագետներ:

5.2.2. **2-րդ փուլ ինքնագնահատում:** 2-րդ փուլում իրականացվում է ինքնագնահատման գործընթաց համաձայն հաստատված ժամանակացույցի և ձևաչափի /Հավելված 2/, և դրանց արդյունքները ներկայացվում են համալսարանի որակի ապահովման ստորաբաժանում: Ինքնագնահատման ընթացքում, որպես կանոն, ներգրավվում են տվյալ դասավանդողի ուսանողները և գործընկերները:

Ինքնագնահատման ժամկետները, որպես կանոն, սահմանվում են որակի ապահովման ստորաբաժանման կողմից:

5.2.3. **Փորձագիտական գնահատում:** 3 – ընդ փուլում ինքնագնահատման արդյունքների վերլուծության հիման վրա փորձագիտական խումբն իրականացնում է ներկայացված չափանիշների փորձագիտական գնահատում: Փորձագետների կազմն ընտրվում է որակի ապահովման ստորաբաժանման կողմից: Ֆակուլտետի խորհրդի կողմից փորձագետներին կազմին հավանություն տալու դեպքում, խորհրդի նիստի համապատասխան որոշման հիման վրա համալսարանի ղեկավարը հրամանագրում է փորձագիտական խմբի կազմը՝ հստակ սահմանելով նրանց գործունեության ժամկետներն ու պարտականությունները:

5.2.3.1. Փորձագիտական խումբը մեկ աշխատանքային շաբաթվա ընթացքում ուսումնասիրում է դասավանդողների կազմի ինքնագնահատման արդյունքները, այնուհետև իրականացնում փորձագիտական հետազոտություն, ինքնագնահատման մեջ ներկայացված տվյալների ճշգրտման, անկախ բնութագրերի ստացման և փորձագիտական զեկույց /հաշվետվություն/ պատրաստելու նպատակով:

5.2.3.2. Փորձագիտական գնահատման արդյունքները փորձագետների կողմից ենթարկվում են նախնական մշակման և ձևականացման, և հնարավորության դեպքում վերլուծական մարմին /որակի ապահովման ստորաբաժանում/ են ներկայացվում հետազոտական տվյալների ձևականացման չափանիշներին համապատասխան տեսքով ներկայացվում են փորձագիտական զեկույցի մեջ: Հնարավորության դեպքում զեկույցում առկա տվյալները պետք է պարունակեն դիագրամներ, հիստոգրամներ և/կամ այլ ձևականացման գործիքներ:

5.2.4. Արդյունքների վերլուծություն և որոշման ընդունում: **4-րդ փուլում** փորձագիտական զեկույցի արդյունքների հիման վրա կազմվում են վերլուծություններ և գնահատականներ պրոֆեսորադասախոսական կազմի ինքնագնահատման և փորձագիտական գնահատման արդյունքների շուրջ, որոնք

ներկայացվում են ամփոփ հաշվետվության տեսքով համալսարանի ղեկավար մարմնին:

5.2.4.1. Գնահատման արդյունքների հիման վրա կազմվում է ամփոփ զեկույց, հաշվետվություն, որտեղ մանրամասնորեն վեր են լուծվում դասավանդողի կարողությունների համապատասխանությունը սույն ընթացակարգով նախատեսված չափանիշներին, պայմաններին:

5.2.4.2. Հաշվետվությունը պետք է պարունակի նաև տեղեկատվություն և գնահատականներ ինքնագնահատման և փորձագիտական գնահատման գործընթացի վերաբերյալ:

5.2.4.3. Զեկույցը պետք է պարունակի հստակ գնահատականներ այս կամ չափանիշի արտահայտվածության վերաբերյալ, ինչպես նաև մեթոդական առաջարկներ թերությունների, բացթողումների վերացման, չափանիշի կամ չափանիշների արդյունավետության բարձրացման ուղղությամբ:

5.3. Փորձագետների գործունեությունը համակարգում է համալսարանի որակի ապահովման ստորաբաժանումը:

5.4. Ինքնագնահատման և փորձագիտական գնահատման ընթացքում կիրառվող գործիքակազմը պետք է համապատասխանի սույն ընթացակարգի նշված պահանջներին, ինչպես նաև պետք է համադրելի լինի բուհի ուսումնական ռեսուրսների գնահատման գործիքակազմի հետ:

5.5. Ինքնագնահատումն ու փորձագիտական գնահատումն իրականացվում է դասավանդողների ինքնագնահատման, դասավանդողից սովորողների բավարարվածության գնահատման, դասավանդողների հետ անհատական և խմբային, հարցազրույցի, դասերի վերլուծության, ներկայացված նյութերի շնորհակալագրերի, պարզևների, տույժերի և այլ փաստաթղթերի վերլուծության կոնտենտ վերլուծության միջոցով: Գնահատման ընթացքում, անհրաժեշտության դեպքում կարող են կիրառվել նաև այլ մեթոդներ, որոնք ենթակա են գնահատման սույն ընթացակարգի պահանջների տեսանկյունից:

5.6. Գնահատման ընթացքում կարող են կիրառվել սոցիալական գիտություններում ընդունված որակական և քանակական հետազոտության մեթոդներ և ընթացակարգեր

5.7. Գնահատումը կազմակերպվում և իրականացվում է որակի ներքին ապահովման կառույցի պատասխանատուների կողմից՝ հիքմ ընդունելով համապատասխան չափանիշները և հավելված 1-ում ներկայացված գործիքակազմը:

5.8. Մշակված չափանիշներին համապատասխանության դեպքում ներկայացվում է առաջարկ գործատուին՝ ռեսուրսի պահպանման /տես պահպանման, խմբագրման մասին կետը/ կամ բարելավման, վերանայման մասին:

5.9. Ամփոփ զեկույցը պետք է մանրամասնորեն նկարագրի ռեսուրսի բնութագրերը, . ինչպես նաև կարող է ներառել առաջարկներ՝ հաջողված փորձի տարածման վերաբերյալ;

5.10. Վերանայման առաջարկներն ու հանձնարականները պետք է հիմնվեն ստացված հետադարձ կապի կառուցակարգերի և ազդող ուժերի ու գործոնների համակողմանի վերլուծության վրա:

5.11. Կոնկրետ գնահատման գործիքակազմի ընտրությունը կարող է փոփոխվել՝ կախված կրթական ծրագրի առանձնահատկություններից՝ նախապես համաձայնեցնելով որակի ապահովման ներքին գնահատման կառույցի հետ:

## **6. ԵԶՐԱՓՈՒԿ ԴՐՈՒՅԹՆԵՐ**

6.1. Սույն ընթացակարգն ուժի մեջ է մտնում գիտական խորհրդում հաստատվելու պահից:

6.2. Սույն ընթացակարգը, դրա փոփոխությունները և լրացումները հաստատվում են գիտական խորհրդի որոշմամբ:

6.3. Սույն ընթացակարգով չեն կարող սահմանվել ՀՀ օրենսդրությանը, Համալսարանի կանոնադրությանը հակասող դրույթներ:

**Հավելված 1. Ինքնագնահատման և փորձագիտական գնահատման գործիքակազմի ձևաչափ**

<p>Գնահատման չափանիշներ</p>	<p>Համաձայն չեմ</p>	<p>Համաձայն եմ, սակայն միշտ չէ, որ ատամ եմ</p>	<p>Որպես կանոն, համապատասխանում է իրականությանը</p>	<p>Լիովին համապատասխանում է իրականությանը</p>	<p>Ինդրում ենք մանրամասնել ձեր գնահատականը, ներկայացնելով վերլուծություններ, փաստեր և կցելով հիմնավարող փաստաթղթեր հավելվածի տեսքով</p>
-----------------------------	---------------------	--	---	---	---

<p>Դասավանդման ընթացքում մատուցվող տեղեկատվությունը կարևոր է և նշանակալից ուսանողների մասնագիտական զարգացման համար</p>					<p><i>Ներկայացնել փաստեր, օրինակներ և այլ հիմնավորումներ ուսանողներին մատուցված տեղեկատվության կարևորության և մասնագիտական ծրագրին համապատասխանության վերաբերյալ</i></p>
--	--	--	--	--	--

<p>Ուսումնական դասընթացի դասանյութի նպատակը, խնդիրներն ու ակնկալվող վերջնարդյունքները հստակ են ձևակերպված և համապատասխանում են դասընթացի ծրագրին և առարկայական նկարագրին</p>				<p><i>Ներկայացնել փաստեր և վերլուծություններ դասընթացի ակնկալվող կրթական արդյունքների, դասընթացի բովանդակության և գիտելիքների ու կարողությունների ստուգման չափանիշների համապատասխանության վերաբերյալ</i></p>
<p>Դասավանդումը նպաստում է սովորողների ուսումնական ձեռքբերումների աճին</p>				<p><i>Ներկայացնել կոնկրետ փաստեր և օրինակներ:</i></p>

<p>Տրամադրված ուսումնական տեղեկատվությունը նոր է ու և համապատասխանում է գիտական ժամանակակից նվաճումներին</p>					<p>Ներկայացնել առաջավոր փորձի հետ համեմատության օրինակներ և այլ հիմնավորումներ</p>
<p>Ուսումնական նյութը մատուցում է պարզ, հասկանալի, հետաքրքիր կերպով</p>					<p>Ներկայացնել ուսանողների կարծիքներ և գնահատումներ</p>

<p>Դասավանդման և խորհրդատվության ընթացքում կիրառվող մեթոդները նպատակահարմար են ուսումնական նյութին և արդյունավետ</p>				<p>Ներկայացնել ուսումնամեթոդական փաթեթից կոնկրետ օրինակներ, ուսանողների կարծիքներ և գնահատումներ,</p>
<p>Առաջարկվում և հետևողականորեն կիրառվում են ուսումնական արդյունքների գնահատման պահանջների հստակ չափանիշներ</p>				<p>Ներկայացնել գնահատման, գիտելիքների, կարողությունների ստուգման մեթոդները և դրանք հիմնավորող փաստերը, ուսանողների կարծիքները և գնահատումները չափանիշի վերաբերյալ</p>

<p>Ուսանողների հետ փոխհարաբերություններում օգտագործվում են հաղորդակցման և փոխազդեցության համարժեք միջոցներ</p>					<p>Ներկայացնել ուսանողների կարծիքներ և գնահատումներ</p>
<p>Դասավանդողի խոսքը պրոֆեսիոնալ է, արտահայտիչ և հասկանալի, <b>արդյունավետ</b> է ըստ տեմպի և ձայնի ուժգնության, հնարավորություն է տալիս գրառումներ կատարել</p>					<p>Ներկայացնել ուսանողների կարծիքներ և գնահատումներ</p>

<p>Խթանում է ուսանողների ստեղծագործական գործունեությունը</p>				<p>Ներկայացնել ուսանողների կարծիքներ և գնահատումներ, սեփական մեկնաբանություններն ու վերլուծությունները</p>
<p>Ունի դասավանդման իր յուրօրինակ ոճը, որը նպաստում է ուսանողների ուսումնական հետաքրքրությունների աճին ուսումնամասնագիտական գործունեության որակի բարձրացմանը</p>				<p>Ներկայացնել ուսանողների կարծիքների և գնահատումների արդյունքները</p>

<p>Ցանկալի է, որ նա հետագայում շարունակի մեզ դասավանդել որպես /նշել համապատասխան տարբերակները/</p> <ul style="list-style-type: none"> <li>• Կուրսային աշխատանքի, թեզի դեկավար, խորհրդատու</li> <li>• Պրակտիկայի մեթոդիստ</li> <li>• Տեսական դասընթացի դասախոս</li> <li>• Սեմինար և գործնական պարապմունքներ վարող</li> <li>• Այլ /մանրամասնել մեկնաբանությունների բաժնում/</li> </ul>					<p>Ներկայացնել ուսանողների կարծիքներ և գնահատումները չափանիշի վերաբերյալ;</p>
--	--	--	--	--	---

## Հավելված 2. Ինքնագնահատման գործընթաց համաձայն հաստատված ժամանակացույցի և ձևաչափի

